

JAMHURI YA MUUNGANO WA TANZANIA

WIZARA YA AFYA

Telegram "AFYA" **DODOMA**
Namba ya Simu: +255 26 2323267
Nukushi No: +255 22 2138060
Barua zote zitumwe kwa **Katibu Mkuu**



Mji wa Serikali – Mtumba,
Barabara ya Afya,
S.L.P 743
40478, DODOMA

TAARIFA KWA UMMA

KANUSHO LA CHAPISHO LENYE TAKWIMU ZISIZO SAHIHI JUU YA MAAMBUKIZI YA VVU NCHINI


Agosti 23, 2024 – Dodoma.

Wizara ya Afya imebaini kuwepo kwa chapisho potofu linaloitwa **"Sexual Behaviors and HIV Status: A Population-Based Study among Youths and Adults in Tanzania"** lililochapishwa na mhariri wa jarida la **'Journal of Infectious Disease and Epidemiology Volume 7 | Issue 8'** DOI:10.23937/2474-3658/1510224 la mwaka 2021 linalosambazwa katika mitandao ya kijamii.

Chapisho hilo limetoa takwimu za uongo kuhusu kiwango cha maambukizi ya Virusi Vya Ukimwi nchini Tanzania kuwa ni 80%.

Waandaaji wa chapisho hilo hawajawahi kufanya tafiti nchini Tanzania na wamekiuka miiko na taratibu za mawasilisho ya kisayansi, ambayo yanawalazimu kufanya ushirikishwaji wa wanasayansi wa nchi husika wanapoandaa na kuchapisha mawasilisho ya kisayansi.

Taarifa sahihi za kitafiti kwa kipindi tajwa kwenye chapisho la Bwana Adaralegde na wenzake lilionyesha kuwa kiwango cha maambukizi ya VVU kilikuwa asilimia 4.9 tu. Aidha, kiwango cha maambukizi kimeshukia zaidi hadi kufikia asilimia 4.4% mwaka 2022 – 2023.



Wizara imechukua hatua kwa kuwaandikia na kuwataka waandaji wa chapisho hilo kufuta andiko hilo (*article retraction*). Aidha Wizara imewasiliana na Uongozi wa Chuo Kikuu cha Afya Connecticut, Marekani juu ya upotoshaji huu uliofanywa na mwanasayansi ambaye ni mwajiriwa wao.

Tunapenda kuwakumbusha wanasayansi, watafiti pamoja na wadau wa Sekta ya Afya juu ya umuhimu wa kuzingatia miongozo ya maadili ya tafiti (Code of research ethics) pamoja na kuongeza umakini katika uandishi ili kuepusha upotoshaji kama huu unaoweza kuzua taharuki katika jamii. Aidha, Nchi yetu ina Sheria na taratibu zinazo ongoza uchapishaji wa matokeo ya tafiti ambayo ni vema kuzingatiwa. Wanasayansi wanakumbushwa kutumia majarida rasmi ya kitaaluma na kuepuka majarida na wahariri wasio na weledi (Predatory Journals) katika kufanya rejea ya taarifa mbalimbali za kitafiti.

Kupata taarifa sahihi za ushamiri wa VVU nchini, tembelea tovuti ya Mtakwimu Mkuu wa Serikali ambaye ni mtoaji wa taarifa rasmi za nchi kwenye mausala ya takwimu za nchi. Tembelea machapisho yafuatayo kwa taarifa zaidi https://www.nbs.go.tz/nbs/takwimu/this2016-17/THIS_2016-2017_Final_Report.pdf pamoja na https://www.nbs.go.tz/nbs/takwimu/this2016-17/Tanzania_SummarySheet_English.pdf

Imetolewa na



Englibert Kayombo

**KAIMU MKUU WA KITENGO CHA
MAWASILIANO SERIKALINI**